



COVID - 19

ՎՐԱՍԱՆԻ ԲՆԱԿՉՈՒԹՅԱՆ 27,5 ՏՈԿՈՍԸ ԼԻԱՐԺԵՔ ՊԱՏՎԱՍՏՎԵԼ Է

Վրաստանի Հիվանդությունների վերահսկման ազգային կենտրոնի տվյալներով, մայիսի 30-ին, կորոնավիրուսի դեմ պատվաստվել է 11 421 մարդ:

Վրաստանում պատվաստման գործընթացը մեկնարկել է մարտի 15-ին: Մինչ օրս իրականացվել է 1 760 878 պատվաստում: Մեկ չափաբաժնով պատվաստվել է 975 028 մարդ, չափափաս բնակչության 34.3 տոկոսը: Լի-

վին պատվաստվել է 785 850 մարդ, չափափաս բնակչության 27.5 տոկոսը:

Վարակաբանների կարծիքով, հասարակության իմունացման համար անհրաժեշտ է, որ պատվաստված լինի բնակչության 60 տոկոսը:

ԱՄԻՐԱՆ ԳԱՄՂՐԵԼԻՉԵ. «ՆԵՐՎԱ ԴՐՈՒԹՅԱՐ ՄԵՉ ՄՈՏ ՊԱՏՎԱՍՏՈՒՄԸ ԿԱՄՎՈՐ Է, ԲԱՅՑ ԿՈՂՄ ԵՄ, ՈՐ ԲԺՈՒՅԿՆԵՐԻ ԵՎ ՌԻՍԻՅԻՉՆԵՐԻ ՊԱՏՎԱՍՏՈՒՄԸ ԴԱՌՆԱ ՊԱՐՏԱԴԻՐ»

ԿՐԹՈՒԹՅԱՆ ՆԱԽԱՐԱՐՈՒԹՅՈՒՆԸ ՀԵՐՔԵՑ ՌԻՍԻՅԻՉՆԵՐԻ ՊԱՐՏԱԴԻՐ ՊԱՏՎԱՍՏՄԱՆ ՄԱՍԻՆ ՕՐԵՆՔԻ ՆԱԽԱԳԾԻ ԱՌԿԱՅՈՒԹՅՈՒՆԸ



Վրաստանի հիվանդությունների վերահսկման ազգային կենտրոնի ղեկավար Ամիրան Գամղրելի-ձեի հայտարարությամբ, մերկա դրությամբ, մեզ մոտ պատվաստումը դեռ կամավոր է, բայց ես կողմ եմ, որ բժիշկներին և ուսուցիչներին պատվաստումը լինի պարտադիր: - «Կովիդի» դեմ պատվաստումը մեր երկրում դեռ կամավոր է, բայց իմ անձնական դիրքորոշումն այն է, որ «Կովիդի» դեմ պատվաստումը պարտադիր դառնա որոշակի խմբերի համար,- հայտարարեց Ամիրան Գամղրելի-ձեի և հավելեց, որ խոսքը վերաբերում է բժիշկներին և ուսուցիչներին:

- Մենք այսօր ունենք բժիշկների շրջանում պատվաստումների ամենաբարձր ցուցանիշներից մեկը՝ 78 տոկոս մեկ դեղաչափով եւ 70 տոկոս երկու դեղաչափով: Հաջորդ խումբը, իհարկե, ուսուցիչներն են: Այստեղ մույնպես պատվաստման մակարդակը զգալիորեն բարձրացել է: Ուսուցիչների 63 տոկոսը պատվաստված է, մինչդեռ կրկնակի պատվաստումների ցուցանիշը 52 տոկոս է,- նշեց Ամիրան Գամղրելի-ձեի:

Ուսուցիչների պարտադիր պատվաստման մասին տարածված տեղեկատվության առնչությամբ Վրաստանի կրթության եւ գիտության նախարարությունը հանդես է եկել հայտարարությամբ. ըստ որի՝ մեծ լրատվությունը իրականությանը չի համապատասխանում, թեպետ գերատեսչությունը մշտապես կոչ է անում ուսուցիչներին պատվաստվել:

ԻՆՉՈՎ ԲԱՅԱՏՐԵԼ ԿՐՈՒՆԱՎԻՐՈՒՄՈՎ ԶՎԱՐԱԿՎԵԼՈՒ ՈՐՈՇ ՄԱՐԴԱՆՑ ՀԱՏԿՈՒԹՅՈՒՆԸ

COVID-19-ից վարակման դեմ ուժեղ պաշտպանություն ունեն մարդիկ, ում օրգանիզմում բարձր է իմունոֆերոն ալֆայի մակարդակը եւ արյան մեջ գերազանցում է լիմֆոցիտի քանակությունը: Վարակման դեմ ուժեղ պաշտպանություն ունեն մասնաբաժնի գեներալը ունեցող օրգանիզմները:

Մասնագետներին միշտ հետաքրքրել են այն պատճառները, որոնք օրգանիզմը դարձնում են անընկալային առանձին վարակների դեմ: Բացառություն չկազմեց նաեւ կորոնավիրուսը: Գիտական լարված հետազոտությունները գիտնականներին հանգեցրին բավական հետաքրքիր հայտնագործության՝ վարակումից պաշտպանված են այն մարդիկ, ում օրգանիզմում բարձր է իմուն-

ֆերոն ալֆայի, իսկ արյան բաղադրությունում՝ լիմֆոցիտի մակարդակը: Վարակի դեմ հուսալիորեն պաշտպանված են նաեւ առանձին գենետիկ ուղղությունները: Հայտնաբերվել են նաեւ այլ գործոններ, թեեւ այդ ուղղությամբ հետազոտությունները շարունակվում են: Նշենք, որ վարակման դեմ կայունության հանգամանքը բացարձակ բնույթի չէ եւ վարակման ռիսկերը կարող են

ավելանալ նյարդային ցանկացած ցնցման կամ այլ պատճառներով:

Մասնագետների բնորոշմամբ, օրգանիզմում իմունոֆերոն ալֆայի մոլեկուլների թվի առկայությունը սինթեզավորվում է իմունային համակարգի հյուսվածքների հետ, ուժեղացնելով օրգանիզմի հակավիրուսային գործողությունները: Իսկ ինչ վերաբերում է արյան մեջ լիմֆոցիտների մեծ քանակության առկայությանը, ապա դա գրեթե նվազագույնի է հասցնում վարակման հավանականությունը, իսկ վարակման դեպքում՝ այն անցնում է շատ ավելի թեթեւ:

հարազիրը պատրաստեց ԱՐԵՎԻԿԱ ՄԱՆՈՒԿՅԱՆԸ

ԿՐՈՒՆԱՎԻՐՈՒՄ. ԱՆԽԱՐՀՈՒՄ ՎԱՐԱԿՎԱԾՆԵՐԻ ԹԻՎԸ ԳԵՐԱՉԱՆՅՆՑ 234 ՄԻԼԻՈՆԸ

COVID-19-ի հաստատված դեպքերի թիվը աշխարհում հասել է 234 615 500-ի: Կորոնավիրուսի հետազոտական կենտրոնների տվյալների համաձայն, մահացածների թիվը գերազանցել է 4 798 574-ը: Ապաքինվել է 211 396 936 մարդ:



Վարակվածների թվով աշխարհում առաջին տեղում ԱՄՆ-ն է, որտեղ կա հաստատված 44 314 424 դեպք: Այստեղ մահացածների թիվը 716 847 է, երկրորդ տեղում Հնդկաստանն է, որտեղ հաստատված դեպքերի թիվը հասել է 33 766 707-ի, մահացածներինը՝ 448 372-ի:

Վարակվածների թվով հաջորդ տեղում Բրազիլիան է: Այստեղ վարակվել է 21 427 073, մահացել՝ 596 800 մարդ: Մեծ Բրիտանիայում կորոնավիրուսով վարակվել է 7 807 036, վարակի հետեւանքով մահացել՝ 136 662 մարդ: Մեծ Բրիտանիային հաջորդում են Ռուսաստանը, Թուրքիան, Ֆրանսիան, Իրանը, Արգենտինան ու Իսպանիան:

Հայաստանում, ընդհանուր առմամբ, վարակվածների թիվը հասնում է 262 631-ի, մահացածներինը՝ 5 339-ի, ապաքինվածներինը՝ 242 569-ի:

Ադրբեջանում վարակվածների թիվը 483 902 է: Վարակից մահացել է 6 525, ապաքինվել՝ 458 922 մարդ:

Վրաստանում, վերջին տվյալներով, վարակվել է 614 763, մահացել է 8 976, ապաքինվել՝ 586 704 մարդ:

Հոկտեմբերի 1-ին կորոնավիրուսով վարակման 1 751 նոր դեպքերից 559-ը Թբիլիսիում է, Աջարիայում՝ 121, Իմերեթիում՝ 311, Քվեմո Քարթլիում՝ 97, Շիդա Քարթլիում՝ 93, Գուրիայում՝ 33, Սամեգրելո-Չենո Սվանթիում՝ 183, Կախեթիում՝ 269, Մցխեթա-Մթիանթիում՝ 39, Ռաճա-Լեչխումիում էւ Քվեմո Սվանթիում՝ 13, Սամցխե-Ջավախեթիում՝ 33: Հոկտեմբերի 1-ի դրությամբ, մահացել է 30 մարդ:

ՏԱՐԵԿԱՆ ՏԱՍԸ ԱՆԳԱՄ ԿԱՐՈՂ ԵՄ ՎԱՐԱԿՎԵԼ ՎԻՐՈՒՄՈՎ

Առանձին մարդիկ կարող են կորոնավիրուսով վարակվել վարակի հաղթահարումից մեկ ամիս անց եւ տարվա ընթացքում վարակվել շուրջ տասը անգամ: Այդ մասին հայտարարեց «Կ+31» կլինիկայի գլխավոր բժիշկ Բորիս Չուրաձեն:

- Գրանցվել են դեպքեր, երբ մարդիկ կորոնավիրուսով վարակվել են վարակման բուժումից մեկ-երկու ամիս անց: Եղել են դեպքեր, ճիշտ է, հազվադեպ, երբ միեւնույն մարդը մեկ տարվա ընթացքում տասը անգամ վարակվել է կորոնավիրուսով: Տարվա ընթացքում երկու-երեք անգամ վարակման դեպքերը շատ են,- հայտարարեց բժիշկը եւ հավելեց. եթե անձը վարակվում է կորոնավիրուսի միեւնույն շտամով, որից արդեն բուժվել էր, ապա հիվանդության ընթացքը բավական թույլ է: Եթե վարակվում է այլ շտամով, ապա հիվանդությունը կարող է ընթանալ ավելի ծանր բնույթով: Մասնագետի հավաստմամբ, ժամանակի ընթացքում կոլեկտիվ պատվաստման գործընթացը կբարելավվի, որի արդյունքում վարակման հիվանդությունը շատ ավելի թեթեւ բնույթ կունենա:



- Պատվաստման գործընթացի ակտիվացման արդյունքները կարող են ի հայտ գալ արդեն հաջորդ տարի, երբ ակնհայտ կլինի, որ կորոնավիրուսի վարակը հասարակայնության համար այնքան էլ ծանր չի լինի, կնվազի ինչպես վարակվածների, այնպես էլ՝ մահացության թիվը,- եզրակացրեց Բորիս Չուրաձեն:

ԵԿԵՂԵՑԱԿԱՆ

ԱՆԱԼՔԱԼՔԻԻ ՍՈՒՐԲ ԽԱՉ ԵԿԵՂԵՑՈՒ ԲԱԿՈՒՄ ՔԱՌԱՍՈՒՆՉՈՐՍՕՐՅԱ ՊԱՏԵՐԱԶՄԻ ԶՈՐՆԵՐԻ ՀԻՇԱՏԱԿԻՆ ԿԱՆԳՆԵՑՎԵՑ ԽԱՉՔԱՐ

2021 թվականի սեպտեմբերի 27-ին՝ Արցախյան քառասունչորսօրյա պատերազմի տարելիցի օրը, Ախալքալաքիի Սուրբ Խաչ եկեղեցու բակում, հանդիսապետությամբ Վիրահայոց թեմի առաջնորդ Կիրակոս վարդապետ Դավթյանի, տեղի ունեցավ «Ջավախքը հայի կողքին» հիմնադրամի նախաձեռնությամբ եւ ջավախքցիների հանգանակությամբ զոհված հերոսների հիշատակի խաչքարի բացման եւ օրհնության արարողությունը:

Տեղացի վարպետ Արտյոմ Գաբրիելյանի ձեռքով հղված խաչքարը դարձավ արմատներով Ախալքալաքիի եւ Նինոծմինդայի շրջաններից շուրջ յոթանասուն զոհվածների հիշատակի անմահության վկան, որը պետք է հիշեցնի Արցախի անկախության համար իրենց կյանքը տված հերոս տղաներին:

Եկեղեցու բակում Վիրահայոց թեմի առաջնորդ Տեր Կիրակոս վարդապետ Դավթյանի նախագահությամբ եւ Հակոբ արեղա Սահակյանի, Արմաշ քահանա Պողոսյանի, Թադեոս քահանա Տեր-Մկրտչյանի եւ Նարեկ քահանա Տիգրանյանի ու սարկավագաց դասի մասնակցությամբ կատարվեց հոգեհանգստյան արարողություն՝ քառասունչորսօրյա պատերազմի զոհերի հոգու խաղաղության համար:

Կիրակոս վարդապետ Դավթյանը ներկաներին ուղղված իր խոսքում անդրադարձ կատարեց քառասունչորսօ-

րյա պատերազմում իրենց կյանքը զոհած երիտասարդների մի ողջ սերնդի անասան հայրենասիրությանը, որոնց կյանքի գնով այսօր ապրում է վիրավոր Արցախը, իր վերքերն է անընդուն Մայր Հայրենիքը:

«Ջավախքը հայի կողքին» հիմնադրամի նախագահ Կարեն Պապիկյանը առաջնորդին փոխանցեց Արցախի նախագահ Արայիկ Հարությունյանի շնորհակալագիրը, որտեղ գնահատանքի խոսքեր էին արձանագրված պատերազմի առաջին իսկ օրերից հիմնադրամի կողմից ցուցաբերված օգնության համար, արժեւորվել էր ջավախքցիների աջակցությունը պատերազմական արհավիրքի մեջ բզկտվող Արցախին:

Խաչքարի օրհնության արարողությանը ներկա էին Վրաստանի խորհրդարանի պատգամավոր Սամվել Մանուկյանը եւ Սմբատ Կյուրեղյանը, Ախալքալաքիի քա-



ղաքապետ Յուրի Ունանյանը, Ախալքալաքիի շրջանային ժողովի նախագահ Նաիրի Իրիցյանը, Ախալքալաքիի փոխքաղաքապետ Արմեն Մառանգոյանը, անմահ հերոսների ընտանիքների անդամներ ու հարազատներ, հյուրեր տարբեր համայնքներից: Ներկաները ծաղիկներ խոնարհեցին խաչքարի պատվանդանին ու զոհված երիտասարդների լուսանկարների առջև:

ՍՈՒՍԱՆԱ ԽԱՉՍՏՐՅԱՆ

ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՍԱՆԻ», ԱՐՄԵՆՊԵՍԻ, ՊԱՆԱՐՄԵՆԻԱՆԻ ԵՎ ԿԱԿԱԶՊԵՍԻ ՆՅՈՒԹԵՐՈՎ

ՀԱՐԳԱՆՔԻ ՏՈՒՐՔ՝ ՀԱՅՐԵՆԻՔԻ ՊԱՇՏՊԱՆՈՒԹՅԱՆ ՀԱՄԱՐ ԶՈՐԿԱԾՆԵՐԻ ՀԻՇԱՏԱԿԻՆ

Սեպտեմբերի 27-ին, 2020 թվականի 44-օրյա պատերազմի մեկնարկի տարելիցին, Հայաստանի բարձրագույն ղեկավարությունը «Եռաբլուր» զինվորական պանթեոնում հարգանքի տուրք մատուցեց Հայաստանի պաշտպանության համար զոհվածների հիշատակին:



Հայաստանի վարչապետ Նիկոլ Փաշինյանը, երկրի նախագահ Արմեն Արաբաձյանը, պաշտպանության նախարար Արշակ Կարապետյանը եւ ՋՈՒ ԳՇ պետ, գեներալ-լեյտենանտ Արտակ Դավթյանը, Երեւանի քաղաքապետ Հայկ Մարտիրոսյանը, Հայաստանի կառավարության անդամներն ու Ազգային ժողովի պատգամավորները ծաղկեպսակ դրեցին «Եռաբլուր» զինվորական պանթեոնում Հայրենիքի ազատության եւ անկախության համար իրենց կյանքը զոհաբերած նահատակների սիրանքը հավերժացնող հուշակառույցի՝ ի հիշատակ արցախյան վերջին պատերազմի ժամանակ զոհված հերոսների:

Րոպե լուծարման հարգանքի տուրք մատուցեց հերոս հայորդիների հիշատակին, ովքեր զոհվել են Արցախյան 44-օրյա պատերազմում:

2020 թվական, սեպտեմբերի 27-ին սկսվեց Արցախյան 44-օրյա պատերազմը՝ Ադրբեջանի ՋՈՒ-ի հարձակմամբ:

Նոյեմբերի 9-ի լույս 10-ի գիշերը Հայաստանի, Ռուսաստանի եւ Ադրբեջանի ղեկավարները պատերազմը ժամը 01:00-ից դադարեցնելու մասին հայտարարություն էին ստորագրել:

Պատերազմի հետեւանքով Արցախի Հանրապետությունում եւ ՀՀ-ում զոհված զինծառայողների ու քաղաքացիական անձանց ընդհանուր թիվը 3781 է:

Այսօրվա դրությամբ, անհայտ է 231 զինծառայողի եւ 22 քաղաքացիական անձի գտնվելու վայրը: Մինչ օրս ադրբեջանական կողմից Հայաստանի Հանրապետությանն է հանձնվել գերեվարված ընդհանուր թվով 108 զինծառայող եւ քաղաքացիական անձ:

ՎԵՍ ՄԻԼԻՈՆ ԶԵՆՍԵՐԶԻԿ՝ ՎԵՐՁԻՆ ՎԵՑ ԱՄՍՈՒՄ

Հնայած COVID-19 համավարակով պայմանավորված մարտահրավերներին Հայաստանում ամռան ամիսներին գրանցվել է զբոսաշրջային ակտիվություն:

Հայաստանի զբոսաշրջության կոմիտեի տվյալներով, ամռանը Հայաստան է այցելել 313 396 զբոսաշրջիկ: Իսկ հունվար-օգոստոս ամիսներին այդ թիվը կազմել է 488 558:

Հայաստան եկած զբոսաշրջիկների թվում գերակշռում են Ռուսաստանից ժամանած այցելուները, այնուհետք՝ Իրանից, Վրաստանից եկածները: Այցելություններ եղել են Ուկրաինայից, Հնդկաստանից եւ այլ երկրներից: Զբոսաշրջային այցերն ամռան ամենակարգիվ եղել են օգոստոսին, հունիսին գրանցվել է 64 101 այցելու, հուլիսին՝ 106 127, օգոստոսին՝ 143 168:

ԶԵՐԲԱՎԱԿԵԼ Ե ՀԱՅԱՍՏԱՆԻ ՊԱՇՏՊԱՆՈՒԹՅԱՆ ՆԱԽԿԻՆ ՆԱԽԱՐԱՐ ՊԱՎԻԹ ՏՈՆՈՅԱՆԸ

Ինչպես հայտնում են հայկական ԶԼՄ-ները, պաշտպանության նախկին նախարար Դավիթ Տոնոյանը չեղարկվել է խուզարկություն եւ կարգավորել ՊՆ նախկին ղեկավարի տանը:

Միաժամանակ խուզարկվել են ռազմական ավիացիայի նախկին պետ Ավետիսյանի եւ գլխավոր շտաբի պետի տեղակալ Ստեփան Գալստյանի բնակարանները:

Ստեփան Գալստյանը կանչվել է Հայաստանի Ազգային անվտանգության ծառայություն: Պարզվում է, որ այս գործողություններն իրականացվում են Հայաստանի անվտանգության ծառայության կողմից հարուցված քրեական գործով զենքի գործարքների հետ կապված: Դավիթ Տոնոյանը որպես Հայաստանի պաշտպանության նախարար աշխատել է 2018-2020թթ:

ՍԵՎԱՆԱ ԱՅԻ ՄԱԿԱՐԱՎԵ ԵՎԱԶԵԼ Ե

Սեւանա լիճը 2021 թվականի սեպտեմբերի 28-ին ծովի մակերեւույթից գտնվել է 1900 մետր 54 սանտիմետր բարձրության վրա:

Արչանագրված նիշը 10 սանտիմետրով պակաս է նախորդ տարվա նույն օրվա նիշից: Նույն օրվա դրությամբ, ոռոգման նպատակներով Սեւանա լճից 2021 թվականի ընթացքում բաց է թողնվել 227 միլիոն խորանարդ մետր ջուր: Արվա-Սեւան թունելային ջրափարով, ներառյալ՝ սպորերկրյա հոսքը, Սեւանա լիճ է տեղափոխվել 139 միլիոն 837 հազար խորանարդ մետր ջուր:

ՄԱՇԱՅԵԼ Ե ԵՐԳԳ ՀԱՅԿՈՆ

Կորոնավիրուսային հիվանդության հետեւանքով կյանքի 48-րդ տարում մահացավ Հայաստանի վաստակավոր արտիստ, երգիչ, երգահան Հայկոն (Հայկ Հակոբյան), ով այս ընթացքում բուժումը շարունակում էր Երեւանի հիվանդանոցներից մեկում:



Հայկոն Երեւանի Կոմիտասի անվան պետական կոնսերվատորիայի շրջանավարտ էր: Միջազգային հեղինակավոր փառատոների, նախագծերի հաղթող, ինչպես նաեւ «Եվրատեսիլ-2007» մրցույթի մասնակից: Նա նաեւ հայկական մի շարք հայտնի ժամանակակից կինոֆիլմերի եւ հեռուստատեսիվների երաժշտության հեղինակն էր: Երեւանի քաղաքապետարանի որոշմամբ, ի նշան հարգանքի, երկու օր անընդմեջ Երեւանի Հանրապետության հրապարակում հնչեցին Հայկոյի երգերը:

ՀԱՅԱՍՏԱՆԻ ԱԳ ՆԱԽԱՐԱՐԸ ՀԱՆԴԻՊԵԼ Ե ՄԱԿ-Ի ԳԼԽԱՎՈՐ ՔԱՐՏՈՒՂԱՐԻՆ



Սեպտեմբերի 25-ին, ՄԱԿ-ի Գլխավոր ասամբլեայի 76-րդ նստաշրջանի շրջանակներում, Հայաստանի արտաքին գործերի նախարար Արարատ Միրզոյանը հանդիպում է ունեցել Միավորված ազգերի կազմակերպության գլխավոր քարտուղար Անտոնիո Գուտերեշի հետ:

Քեր փոխանակել տարածաշրջանային կայունության եւ անվտանգության հարցերի շուրջ:

Արարատ Միրզոյանը Գլխավոր քարտուղարի ուշադրությունն է հրավիրել 2020թ. աշնանը Լեռնային Ղարաբաղի ժողովրդի դեմ Ադրբեջանի սանձազերծած ագրեսիայի հուճախարար հետեւանքների վրա, այդ թվում՝ ընդգծելով

Ադրբեջանի կողմից մինչ օրս պահվող հայ ռազմագերիների եւ քաղաքացիական պատանդների անվերապահ հայրենադարձման հրամայականը, նշելով ԵԱՀԿ Մինսկի խմբի համաձայնագրերի հովանու ներքո Լեռնային Ղարաբաղի հակամարտության տեւական ու համապարփակ կարգավորման անհրաժեշտությունը:

ՄԵԿՆԱՐԿԵՑ «ՍՓՅՈՒՌՔԻ ԵՐԻՏԱՍԱՐԴ ԴԵՍՊԱՆ» ԾՐԱԳԻՐԸ ՎՐԱՍԱՆԸ ՆԵՐԿԱՅԱՆՈՒՄ Ե ԵՄԻ ԱՍՐԳՅԱՆԸ

Հայաստանի սփյուռքի գլխավոր հանձնակատարի գրասենյակի հաղորդագրության համաձայն, մեկնարկեց «Սփյուռքի երիտասարդ ղեկավարներ» ծրագիրը, ըստ որի՝ սփյուռքը կունենա 20 ղեկավար 16 երկրներում՝ Ռուսաստանից մինչեւ Արգենտինա, Լիբանանից մինչեւ Կանադա, Վրաստանից մինչեւ Բելգիա:



«Սփյուռքի երիտասարդ ղեկավարներ» ծրագրում Վրաստանը ներկայացնող էմիլ Սարգսյանը Թբիլիսիի Իլիայի պետական համալսարանի հանրային կառավարման ֆակուլտետի մագիստրատուրայի ուսանող է, Հայ Առաքելական Եկեղեցու Վիրահայոց թեմի երիտասարդական բաժնի ծրագրերի համակարգող:

Նադարանի տնօրեն Արմեն Հակոբյանի խոսքով՝ ծրագիրը թույլ կտա ճանաչել Հայաստանի բոլոր կողմերը՝ քաղաքական, սոցիալական, կրթական, մշակութային, եւ այդ ճանաչողությունը կտեղափոխվի համայնքներ:

Մասնակիցները մեկամյա ծրագրի առաջին 2 շաբաթը կանցկացնեն Հայաստանում եւ Արցախում: Ըստ Գլխավոր հանձնակատար Զարեհ Սինանյանի՝ ծրագիրը կակտիվացնի սփյուռքի երիտասարդությանն ու նոր ձեւաչափով կկապի հայրենիքի կյանքին:

Դե, ինչ: Եկեք բարի երթ մաղթենք մեր երիտասարդ դեսպաններին»,- ասված է հաղորդագրության մեջ:

ԿՐԹԱԿԱՆ ԾՐԱԳՐԵՐՈՎ ՍՓՅՈՒՌՔԱՀԱՅԵՐԻ ԸՆԴՈՒՆԵԼՈՒԹՅԱՆ ՓԱՍՏԱԹՂԹԵՐԻ ԸՆԴՈՒՆՄԱՆ ԺԱՄԿԵՏԸ ՓՈԽՎԵԼ Ե



Փոխվել է վճարովի առկա ուսուցմամբ բակալավրի ու անընդհատ եւ ինտեգրացված կրթական ծրագրերով ընդունելության համար օտարերկրացիների եւ սփյուռքահայերի փաստաթղթերի ընդունման ժամկետը:

ՀՀ կրթության, գիտության, մշակույթի եւ սպորտի նախարարությունը տեղեկացնում է, որ վերջնաժամկետ

Փաստաթղթերը նախարարությունը ներկայացվում են դիմորդի կողմից անձամբ կամ նրա լիազորված անձի կողմից, բարձրագույն ուսումնական հաստատության, նախնական (արհեստագործական) կամ միջին մասնագիտական հաստատության կողմից, օտարերկրյա պետություններում Հայաստանի Հանրապետության դիվանագիտական ներկայացուցչությունների միջոցով:

է սահմանվել 2021 թվականի հոկտեմբերի 15-ը: ԿԳՄՍ նախարարությունում դիմորդների ընդունելությունն իրականացվում է երկուշաբթի, չորեքշաբթի եւ ուրբաթ օրերին՝ ժամը 10.00-ից 17.00-ն, ընդմիջում՝ 13.00-ից մինչեւ 14.00-ն:

Դիմորդը, կամ նրա լիազորված անձը կամ ուսումնական հաստատության ներկայացուցիչը պահանջվող փաստաթղթերը սահմանված ժամկետներում պետք է ներկայացնեն ԿԳՄՍՍ արտաքին կապերի եւ սփյուռքի վարչություն կամ պահանջվող փաստաթղթերի էլեկտրոնային տարբերակներն ուղարկեն՝ secretariat@escs.am էլեկտրոնային հասցեով:

ԵԿԵՂԵՑԱԿԱՆ

ՀՈԿՏԵՄԲԵՐ

5.10.2021 Թեղի, Վառվառա եւ Պեղա-գեա Սուրբ Կույսերի հիշատակության օր



9.10.2021 Սուրբ թարգմանիչ Վարդապետների՝ Մեսրոպի, Եղիշեի, Մովսես Քերթովի, Դավիթ Անհաղթ փիլիսոփայի, Գրիգոր Նարեկացու եւ Ներսես Կլայեցու տոն

Սուրբ թարգմանիչ Վարդապետների տոնը հայ ժողովրդի ամենամոլորակա՛ն եւ սիրված ազգային-եկեղեցական տոներից է: Թարգմանիչ վարդապետների հիշատակը Հայ եկեղեցին տոնում է տարին երկու անգամ: Առաջինը կոչվում է «Տոն սրբոց թարգմանչացն մերոց Սահակայ եւ Մեսրոպայ» եւ տոնվում է Հոգեգալստյան չորրորդ կիրակիին հաջորդող հինգշաբթի օրը: Երկրորդը կոչվում է «Տոն մեր սուրբ թարգմանիչ վարդապետների՝ Սահակի եւ Մեսրոպ Մաշտոցի, եւ նրանց սուրբ աշակերտների՝ Եղիշե Պատմիչի, Մովսես Քերթովի, Դավիթ Անհաղթ փիլիսոփայի, Գրիգոր Նարեկացու եւ Ներսես Կլայեցու», որը շարժական է եւ տոնը նշվում է հոկտեմբերի 3-ից մինչեւ նոյեմբերի 7-ն ընկած ժամանակահատվածում: Թարգմանիչ ընդհանուր անվան տակ հայտնի են Սբ. Մեսրոպ Մաշտոցին եւ Սբ. Սահակ Պարթևին աշակերտած շուրջ հարյուր սաներ:

Ի ԳԻՏՈՒԹՅՈՒՆ ՎԱՐՈՐԴՆԵՐԻ

ԲԵՌՆԱՓՈԽԱԴՐՈՒՄՆԵՐԸ ԻՐԱՎԱՆՑՆԵԼ ԲԱՎՐԱ-ՆԻՆՈՇՄԻՆԴԱ ՍԱՀՄԱՆԱՅԻՆ ԱՆՑԱԿԵՏՈՎ

ՎՐԱՍՏԱՆՈՒ ՄԱՅՄԱՏԱՆԻ ԴԵՄՊՆՈՒԹՅԱՆ ՀԱՅՏԱՐԱՐՈՒԹՅՈՒՆԸ



Վրաստանում Հայաստանի դեսպանության տարածած հաղորդագրության համաձայն, Վրաստանի տարածքով իրականացվող բեռնափոխադրումների մեծ ծավալի, ինչպես նաև ՌԴ Վերին Լարս անցակետում ընթացող

շինարարական աշխատանքների հետևանքով, Թբիլիսիի շրջանցիկ ճանապարհի հատվածում առաջացել են բեռնատար մեքենաների կուտակումներ:

«Կուտակումներից խուսափելու նպատակով բեռնափոխադրողները, հնարավորության դեպքում, կարող են Բագրատաշեն-Սաղախլո սահմանային անցակետի փոխարեն, բեռնափոխադրումներն իրականացնել Բավրա-Նինոծմինդա սահմանային անցակետով», - ասված է դեսպանության հաղորդագրությունում:

ՄԱՅՐԱՔԱՂԱՔ

«ԹԲԻԼԻՍՈՒԲԱՆ» ԱՅՍ ՏԱՐԻ ԷԼ ՉԻ ԱՆՑԿԱՑԿԻ

Սեպտեմբերի 30-ին, Թբիլիսիի քաղաքապետ Կախա Կալաձեն, քաղաքապետարանի նիստի ավարտից հետո, հայտարարեց, որ ընդունված որոշման համաձայն, համավարակի պատճառով, «Թբիլիսոբա»-ի շրջանակներում, տոնական միջոցառումներ այս տարի նույնպես չեն անցկացվի:



- Հոկտեմբերի սկզբին միշտ լինում է ժողովրդական տոն, որն իսկապես սազում է այս քաղաքին: Ցավոք, մենք անցած տարի չկարողացանք անցկացնել «Թբիլիսոբա»-ն: Առկա համավարակի պատճառով մենք այս տարի նույն խնդիրն ունենք: Նույնիսկ այսօր մենք պայքարում ենք մի անտեսանելի թշնամու հետ, որը կոչվում է կորոնավիրուս: Հետևաբար, մարդու առողջությունն ու

կյանքի պաշտպանությունն ամենակարևորն են: Հետևաբար, այս տարի ես չենք կարողանա տոնական միջոցառումներ անցկացնել, - ասաց Կախա Կալաձեն: Նրա խոսքով, «Թբիլիսոբա-յի» հետ կապված համերգը եւ պատվավոր թբիլիսցիների մրցանակաբաշխությունը կհեռարձակվի ուղիղ եթերով: - Պարզեատրման արարողու-

թյուն ենք ունենալու պատվավոր թբիլիսցիների համար: Նաեւ առցանց դուք հնարավորություն կունենաք ուղիղ եթերով հետեւել համերգին: Ես հասկանում եմ ներկա իրավիճակը: Մենք պետք է հնարավորինս պաշտպանենք ու հոգանք միմյանց մասին, - նշեց մայրաքաղաքի քաղաքապետը:

ՑԱՎԱԼԻ ԼՈՒՐ

ՎԱՆՃԱՆՎԵԼ Է ՄԵՇՆ ՓԱՐԱՉԱՆՈՎԻ ՈՐԴԻՆ՝ ՍՈՒՐԵՆ ՓԱՐԱՉԱՆՈՎԸ



Սեպտեմբերի 29-ին, Վրաստանում Ուկրաինայի դեսպանության առաջին քարտուղար Տատյանա Կոլոտիլովան, ով Կիեւի Փարաջանովի թանգարանին էր փոխանցել Փարաջանովի մասին վրաց կինոռեժիսորների նկարահանած հարցազրույցները, հեռախոսով կապվեց «Վրաստան» թերթի գլխավոր խմբագիր Վան Բայբուրջյանի եւ ճանա-

չված կինոռեժիսոր Խոսե Մաջիներեի (Գիա Ալավիձե) հետ, տեղեկացնելով, որ սեպտեմբերի 28-ին, Կիեւում, 63 տարեկան հասակում վախճանվել է հայ մեծանուն ռեժիսոր Սերգեյ Փարաջանովի որդին՝ ռեժիսոր Սուրեն Փարաջանովը: Նրան հուղակավորել են Կիեւում, մոր՝ Սվետլանա Շչերբատիուկի հաբեանությամբ:

ՖՈՒՏՐՈԼ

ՆԱՀԱՆՃ՝ ՎԱՐԿԱՆԻՇԱՅԻՆ ԱՂՅՈՒՍԱԿՈՒՄ

Աշխարհի 2020 թվականի առաջնության եվրոպական խմբերում հանդես եկող Վրաստանի եւ Հայաստանի հավաքականների անհաջող ելույթներն անդրադարձան թիմերի վարկանիշային դիրքերի վրա: Վրաստանի հավաքականը 91-ից տեղափոխվեց 96-րդ տեղը, իսկ Հայաստանի թիմը 88-ից 89-րդը: Ֆուտբոլի միջազգային ֆեդերացիայի հրապարակած դասակարգման աղյուսակի առաջատարն անփոփոխ է՝ Բելգիա: Լավագույն տասնյակում են նաեւ Բրազիլիան, Անգլիան, Ֆրանսիան, Իտալիան, Արգենտինան, Պորտուգալիան, Իսպանիան, Մեքսիկան եւ Դանիան:

«Վրաստան» թերթի խմբագրությունը իր խոր վշտակցությունն է հայտնում «Վրաստան» թերթի նախկին թղթակից Վահան Խաչվանյանին մոր, թերթի բազմամյա աշխատակից, արժանահիշատակ Մարտունի Խաչվանյանի (1927-2013) տրիկնոջ՝



Լիդա Վահանի ԽԱՉՎԱՆՔՅԱՆԻ մահվան կապակցությամբ եւ ցավակցում հանգուցյալի հարազատներին ու մերձավորներին:

Table with 6 columns and 10 rows containing numbers 1 through 58, arranged in a grid pattern.

Խ Ա Չ Բ Ա Ռ

ՀՈՐԻՉՈՆԱԿԱՆ. 7.Ոչ լեզու: 9.Մրցույթի մասնակիցներին զննահատելու փորձագետների խումբ: 10.Քարթլիի թագավորներից: 11.Քաղաք Չխիսխուլում: 13.Հարսնացուի հատուցագինը: 16.Մերձարեադարձային միրգ: 17.Կարգ, գիծ: 19.Կատվագրի գագան: 22.Ավտոմոբիլի թափքի տեսակ: 24.Ռազմանավի տեսակ: 25.Մայրցամաքային ծանծաղուտ: 27.Տոնս չունեցող: 29.Ձամբիայի մայրաքաղաքը: 32.Սպորտի երեք վարժություններից բաղկացած մարզածե: 33.Վրաց գրող ... ճոնքածե: 35.Սարքավորում: 37.Մեքենան վարելու հարմարանք: 39.Ծծմայր, դայակ: 40.Ալ.Դյունայի «3 հրացանակիրները» ստեղծագործության հերոսներից: 43.Ժառանգականության գործառնական եւ կառուցվածքային միավոր, որը վերահսկում է որոշակի հայտանիշի կամ հատկության զարգացումը: 44.«Այն գործի կեսն է»: 47.Աղոթք «... Մարիա»: 49.Միջին չափի հյուրանոց: 50.... տեղին: 53.Պղնձե սկուտեղ: 54.Քաղաք Բելգիայում: 55.Երբեկից, բնավ: 57.Գետ Ռուսաստանում: 58.Շվեյցարացի ֆուտբոլիստ Դանիել...:

ՈՐԿՈՆԱՅԱՑ. 1.Փղի քիթ: 2.Գետ ՌԴ-ում: 3.Միշտ: 4.Ջորեղ: 5.Նորվեգացի հետախույզ ... Ամունդսեն: 6.Կինոնկար: 8.Արտավոլո: 12.Ոչխարի «հագուստը»: 14.Գետ Արեւելյան Ասիայում: 15.Սահմեդական կրոնավոր: 18.Պապուասների լեզուներից մեկը: 19.Ձոռաբերության բլիթ (հին Հունաստան): 20.Քաղաք Ինդոնեզիայում: 21.Քարթլիի թագուհի, Վրաց Ուղղափառ եկեղեցու Սրբերից: 23.Աշտուր փառաբանական: 26.Ականջ դնել: 28.Տկար, նիհար, հյուծված: 29.Փիլիսոփա հնագույն Չինաստանում, Դաոսականության ակադավոր դեմքերից ... Ցզի: 30.Կշտամբանք: 31.Մասերի բաժանել: 34.Անգլիացի ծովակալ: 36.Նիրի: 38.Ընտանի կենդանի: 41.Հնագույն ազգ Հարավային Կովկասում: 42.Գերմանական ավտոմեքենա: 45.Մոդայիկ ինքնատիպություն: 46.Կողո սարք: 48.Արեւմտահայ բանաստեղծ, փիլիսոփա ... Տեմիրճիպաշյան: 51.Օր-օրի, օր...օրե: 52.Սուր եւ բարձր աղաղակ՝ բացականչություն: 56.Բիլիարդի խաղաձող:

ՆԱԽՈՐԴ ՀԱՄԱՐԻ ԽԱՉԲԱՌԻ ՊՍՏԱՍԻՄԱՆՆԵՐԸ

ՀՈՐԻՉՈՆԱԿԱՆ. 1.Փարվել: 4.Թաշկինակ: 10.Պրիմա: 11.Վասալ: 12.Նարե: 13.Արագի: 14.Նոր: 16.Մուտ: 18.Արագ: 23.Դա: 24.Ֆարս: 25.Տրիստան: 26.Ռաֆ: 28.Դպիր: 29.Եգ: 30.Երիգ: 32.Ուրու: 33.Գա: 34.Աշնա: 36.Կարս: 39.Իրաք: 41.Արարել: 43.Մարկետ: 44.Չարի: 45.Ամուր: 46.Նու: 47.Իմալ: 49.Լյա: 51.Ին: 52.Անցում: 53.Վասակ: 54.Անառիկ: 57.Թուխա: 59.Նար: 60.Չարե: ՈՐԿՈՆԱՅԱՑ. 1.Փարվանա: 2.Րոպե: 3.Երիտասարդ: 5.Ալմաստ: 6.Կովկաս: 7.Նեստան: 8.Կոլխիդա: 9.Հարեմ: 15.Րաֆֆի: 17.Ոստրե: 19.Րա: 20.Չապանակ: 21.Գիտություն: 22.Մտրուկ: 23.Գնեպր: 26.Ռեզին: 27.Արար: 31.Չաքարյան: 35.Արեմի: 37.Ախալցխի: 38.Սուխումի: 40.Ամուլսար: 42.Ատուն: 44.Չան: 48.Մարթա: 50.Ական: 53.Վան: 55.Ռա: 56.Իր: 58.Ուր:

Գլխավոր խմբագիր՝ ՎԱՆ ԲԱՅԲՈՒՐՅԱՆ
Գլխ. խմբագրի տեղակալ՝ ՅՈՒՐԻ ՊՈՐՈՍՅԱՆ
Համարի պատասխանատու՝ ԳԱՅԱՆԵ ԲՈՍՏԱՆՉՅԱՆ
Համակարգչային ձեւավորումը՝ ՏԻԳՐԱՆ ՍԻՐԱԴԵՂՅԱՆ

ՔՅՅԵՈ ՅՈՆԱՅՅԵՄՈ: ՄՁՈԼՈՆՈ 0105, Ճ.ՃՄՐԵՅՈՆԵ ՄՅՅԵ 5,
Մեր հասցեն՝ Թբիլիսի 0105 Գ.Աթոնելի փ. 5
ԹՅԳ. Հեռ. 2990-739, 2990-774
www.vrastan.ge E-mail: vrastan.press@gmail.com
Գրանցման վկայական № 4 Կ - 1439
«ԿՈԼՈՐ» հրատարակչություն

«ՅՐԱՆԻՅՈՒՆ»
ՄՁՈԼՈՆՈ, ՆԱՅՅԵՄՅԵՄՈ
«ՅՐԱՏԱՆ»
Тбилиси, Грузия
«VRASTAN»
Georgia, Tbilisi
Индекс 66445